

## *“S’Arrodia”*

*Tui contas contus  
no tenis edadi  
arris de is tontus  
ca in donnia nd’adi.*

*Lingua de pixi  
ses nomenada,  
de piradrixi  
tui incoronada.*

*Pren’’e allirghia  
e abetiosa,  
posta in sa’ia  
pungis che arrosa.*

*Scedas is pratzas  
po critikai,  
gomais, arratzas  
totus circai.*

*In magasinu  
t’atrivis cantai,  
cun casa, binu  
bon’aciupai.*

*Innia t’acantzas  
fine t’amurrias,  
in cena satzas  
e mai furrias.*

*Sa nosta in jogu  
intrat in sedda,  
in custu logu  
prim’’e paschixedda.*

*Prexu e arrisu  
mai amancai,  
feli precisu  
a parti lassai.*

*No bollu canis,  
ne baulosus,  
mancu merjanis  
e tirriosus.*

*Cun custu traju  
su coru bantu,  
sanu messaju  
oi si cantu.*

*Teneis acontu  
e fatzu seliu,  
cust’’e su contu  
po bivi asseliu.*

*Boxis in tundu  
a nosta manera,  
assotzius e mundu  
cun paxi meda.*

*Ignazio Cappai*